

ROLEX



MICHELSSEN
URSMIDIR SÍÐAN 1909
Laugavegur 15 - 101 Reykjavík - 511 1900 - www.sviss.is

MARKAÐURINN

Sögurnar... tölurnar... fólkíð...

Græna prentsmiðjan
GUDJÓNÓ
VISTVÆN PRENTSMÍÐJA
Sími 511 1234 • www.gudjono.is

Miðvikudagur 13. maí 2009 – 19. tölublað – 5. árgangur

Veffang: visir.is – Sími: 512 5000 visir

Vikuleg vefráð
Að fá mikið fyrir lítið á Netinu



Afleiðingar verðþjónunar
Lækka verðtryggðu lánin



Joseph Stiglitz
Vor uppvakninganna



Velta jókst í verslun

Velta í dagvöruverslun jókst um 1,1 prósent á föstu verðlagi í apríl miðað við sama mánuð í fyrra og um tæp 23 prósent á breytilegu verðlagi. Ekki hefur orðið raunaukning í veltu dagvöruverslunar á milli ára síðan um mitt síðasta ár.

Ástæðuna fyrir aukningunni nú má rekja til þess að í ár voru páskarnir í apríl en í fyrra voru þeir í mars, samkvæmt upplýsingum frá Rannsóknasetri verslunarinnar.

Ef veltuvísitala dagvöruverslunar er leiðrétt fyrir árstíðabundnum þáttum varð samdráttur í veltu um 5,9 prósent milli ára. Verð á dagvöru lækkaði um 0,9 prósent frá mars til apríl. Verð á dagvöru var hins vegar 21,4 prósentum hærra í apríl en á sama tíma í fyrra.

- ghs

Leitar fleiri samstarfsaðila

Íslenska fyrirtækið SecurStore ætlar að taka þátt í sýningunni Channel Expo 20.-21. maí. Alexander Eiríksson framkvæmdastjóri segir fyrirtækið taka þátt í sýningunni til að afla sér samstarfsaðila í Bretlandi. SecurStore býður fyrirtækjum afritun gagna yfir Netid með sérstakri tækni.

Channel Expo er eina sýningin í Bretlandi sem endursöluaðilar sækja til að leita sér að samstarfsaðila. Endursöluaðilar SecurStore þar er nú um þrjátíu.

- ghs

HELST Í ÚTLÖNDUM

Oliuverðið hækkar | Heimsmarkaðsverð á hráolíu fór í tæpa 60 dali á tunnu fyrri part dags í gær. Það hefur ekki verið hærra síðan í nóvember í fyrra. Hæst fór oliuverðið í rúma 147 dali á tunnu í júlí í fyrra.



Öldungur tapar fé | Berkshire Hathaway, fjárfestingarfélagið sem Warren Buffett hefur stýrt í rúm fjórutíu ár, tapaði 1,5 milljörðum Bandaríkjadala á fyrsta fjórðungi ársins. Þetta jafngildir tæpum 190 milljörðum króna. Fyrirtækið hefur ekki skilað tapi síðan 2001.

Tapa vegna Íslands | Þrettán fasteignasjóðir í Bretlandi töpuðu 195 milljónum punda, jafnvirði 37 milljörðum króna, vegna hruns íslensku bankanna í fyrrahaust, samkvæmt úttekt breska blaðsins Daily Mail um stöðu sjóðanna.

Kreppa í Lettlandi | Hagvöxtur í Lettlandi dróst saman um átján prósent á fyrsta ársfjórðungi, samkvæmt tölum sem birtar voru í fyrradag. Þetta er þó ekki jafn slæmt og í kreppunni sem reið yfir landið í byrjun tíunda áratugar síðustu aldar.

Stofnfjáreigendur Byrs óttast gjaldþrot

Stór hluti stofnfjáreigenda Byrs veit ekki hvað tekur við á erfiðum gjalddaga á tugmilljarðaláni við Íslandsbanka í næsta mánuði. Margir eru ófærir um að borga.

Jón Aðalsteinn Bergsveinsson
skrifar

Margir smærri stofnfjáreigenda Byrs sparissjóðs eru að sligast vegna skuldabagga í kjölfar stofnfjárukningar sparissjóðsins í desember 2007 og horfa örvæntingarfyllir fram á veginn. Sumir sjá fátt annað fram undan en gjaldþrot.

Gjalddagi er í næsta mánuði á lánun sem stofnfjáreigendur Byrs tóku við stofnfjárukningu sparissjóðsins í desember 2007. Aukningin hljóðaði upp á 26,2 milljarða króna og var fjármögnuð að stærstum hluta af Glitni (nú Íslandsbanka) með veði í stofnfjárbréfum stofnfjáreigenda.

Stofnfjáreigendur Byrs, sem bæði koma frá Sparissjóði Hafnarfjarðar, Sparissjóði vélstjóra og Sparissjóði Kópavogs, eru 1.500 talsins og tóku flestir lán fyrir nýju stofnfé. Hluti stofnfjáreigenda tók lán í íslenskum krónum, sumir tóku blöndu myntkórfulána á meðan aðrir tóku eingöngu erlend lán.

Peir sem áttu þess kost að fjármagna stofnfjárukninguna eftir öðrum leiðum, svo sem með veði í fasteignum sínum, standa betur. Peir eru engu að síður óttaslegnir, samkvæmt heimildum Markaðarins. Óvíst er með verðmæti eignarhluta stofnfjáreigenda Byrs í dag.

Stærstu stofnfjáreigendurnir, svo sem Magnús Ármann, þá umsvifamesti stofnfjáreigandi Byrs, og aðrir honum tengdir beint og óbeint, fjármögnuðu stofnfjárukninguna að öllu leyti með lánun og geymdu skuldbindingar sínar í eignarhaldsfé-

lögum. Smærri stofnfjáreigendur fjármögnuðu kaupin í eigin nafni og fjölskyldu sinnar og falla lánin á viðkomandi á gjalddaga.

Byr greiddi stofnfjáreigendum 13,5 milljarða króna arð vorið 2008 vegna góðrar afkomu sparissjóðsins árið áður og nýttist arðgreiðslan til niðurgreiðslu á lánunum. Þeir stofnfjáreigendur sem Markaðurinn hefur rætt við vita ekki hvað tekur við. Þeir sem fjármögnuðu aukninguna með láni Glitnis á sínum tíma standa verst og óttast nokkrir að Íslandsbanki, sem tók yfir innlenda starfsemi Glitnis í fyrrahaust, taki Byrs-hlutina með veðkalli og skilji stofnfjáreigendur eftir með skuldabagga á bakinu. Markaðurinn hefur rætt við stofnfjáreigenda sem tók tuttugu milljóna króna lán vegna stofnfjárukningarinnar. Þótt arðgreiðslan hafi verið nýtt til að greiða inn á það fyrir ári hljóðar skuldin í dag upp á 28 milljónir króna.

„Það eru margir uggandi um sína stöðu,“ segir Sveinn Margeirsson, einn þeirra sem fer fyrir hópi stofnfjáreigenda og annarra velunnara sparissjóðsins sem ákveðið hefur að bjóða sig fram til forystustarfa í sparissjóðnum á aðalfundi hans í dag. Í hópnum eru meðal annars Hörður Arnarson, fyrrverandi forstjóri Marel Food Systems.

Framboðið á rætur sínar að rekja til rannsóknar Sveins og eiginkonu hans á viðskiptum með stofnfjárlhuti í Byr eftir hrun bankakerfisins og afkomu sjóðsins í fyrra. „Þetta er fyrst og fremst réttlætismál enda margir stofnfjáreigenda eldri fólk sem var platað til að skuldsætja sig á sínum tíma,“ segir Sveinn.

Evru posi – aukin þjónusta við erlenda ferðamenn

Við bjóðum viðskiptavinum okkar sérstaka posa fyrir erlend MasterCard og VISA kort. Þannig geta þeir selt vöru eða þjónustu til erlendra ferðamanna í evrum og valið um að fá uppgjörðið í evrum eða íslenskum krónum.



BORGUN
AUVELDAR VIÐSKIPTI

Ármúla 30 • 108 Reykjavík
Sími 560 1600 • www.borgun.is



JOHANSSON & SUTNER • HÍLÍ • SÍL

GENGISPRÓUN

	Vika	Frá áramótum
Alfesca	-7,9%	-31,0%
Bakkavör	77,2%	-9,6%
Eimskipafélagið	0,0%	-20,0%
Föroya Bank	1,7%	-1,2%
Icelandair	0,00%	-66,2%
Marel	20,4%	-24,2%
Össur	6,9%	2,3%

*Miðað við lokagengi í Kauphöll í gær.
Úrvælisitalan OMXI15 256
Úrvælisitalan OMXI6 694

*Miðað við gengi í Kauphöll á mánudaginn

Sprotafyrirtæki verða að hugsa stórt

„Þeir sem eru með góðar hugmyndir geta týnst í stöðumhverfi sprotafyrirtækjanna. Mig sundlaði þegar ég gerði mér grein fyrir umfanginu,“ segir Rúnar Ómarsson, einn stofnenda fatahönnunarfyrtækisins Nikita.

Rúnar hélt erindi og tók þátt í pallborðsumræðum ásamt þremur öðrum frumkvöðlum á evrópsku fyrirtækjavikunni, SME Week '09, sem haldin var í gær. Þetta var fyrsta heildstæða kynning á stuðningshverfi nýsköpunar sem haldin hefur verið hér.

Um 230 manns tóku þátt í kynningunni, sem var langt umfram væntingar skipuleggjenda, Nýsköpunarmiðstöðvar Íslands, Rannís, Útflutningsráðs og Samtaka iðnaðarins.

Fram kom í erindum flestra að nýsköpunar- og sprotafyrirtæki verði að gera sér grein fyrir því snemma að heimamarkaðurinn sé of lítill og verði



FJÖGUR Í PALLBORÐI Forsvarsmenn fjögurra sprotafyrirtækja voru sammála um að hugsa verði út fyrir landsteina.

MARKAÐURINN/GVA

að sækja út fyrir landsteina eigi fyrirtæki að eiga möguleika á að dafna.

-jab

Margir skoða Te & kaffi

„Já, nokkuð margir hafa hringt og sýnt hlutum áhuga,“ segir lögmaðurinn Sigurmar K. Albertsson. „Þetta er fólk úr verslunarrekstri.“

Lögmennastofa Sigurmars auglýsti þrjátíu prósent hlut í versluninni Te & kaffi, sem áður var í eigu Pennans, til sölu um helgina.

Hjónin Berglind Guðbrandsdóttir og Sigmundur Dýrfjörð, sem stofnuðu fyrirtækið árið 1984, eiga enn 70 prósent í fyrirtækinu og hafa frá upphafi stýrt daglegum rekstri þess.

-jab

Uppgjör Alfesca viðunandi

Alfesca tapaði 300 þúsund evrum, jafnvirði rúmlega 51 milljónar króna á síðasta ársfjórðungi, sem er sá þriðji í bókum félagsins.

Gengismunur og fjárfestingar í tengslum við endurskipulagningu félagsins hefur áhrif. Stjórnendur segja uppgjör þetta viðunandi árangur miðað við markaðsaðstæður.

Nettósalá nam 118,3 milljónum evra á fjórðungnum, sem er



FORSTJÓRINN XAVIER GOVARE

3,6 prósentu samdráttur á milli ára.

Sala samstæðunnar leið fyrir áframhaldandi efnahagskreppu, erfið neytendaumhverfi, óhagstæðar breytingar á gengi gjaldmiðla og hátt hræfnisverð á laxi.

Fjárhagsleg staða félagsins er áfram sterk en eiginfjárhlutfall félagsins nam 43 prósentum í lok fjórðungsins.

-jab

Markaður með einkapotur lifnar við

„Markaðurinn er krítískur, en hann er allur að koma til aftur. Þetta er ekki jafn bagalegt og á tímabili,“ segir Jón Þór Hjaltason, stjórnarmaður Nordic Partners, móðurfélags IceJet, sem rekur fimm Dornier 328-einkapotur og leigir til auðugra einstaklinga og fyrirtækja.

Samkvæmt upplýsingum evrópskra flugmálayfirvalda dróst einkapotflug saman um tæp tuttugu prósent í Evrópu á fyrsta ársfjórðungi á milli ára, að sögn Reuters-fréttastofunnar í gær. Þar er því bætt við að líf sé aftur að færast í markað með einkapotur.

Jón var í

AIN VÉLA ICEJET.



gær staddur á EBACE-sölusýningunni í Genf í Sviss, þeirri stærstu í Evrópu. Þar sýna framleiðendur einkapota og flugfélög vélar sínar.

Á sýningunni eru sjöttu einkapotur, þar af ein frá IceJet. „Við erum með aðra suður í Þýskalandi,“ segir Jón Þór. Verðmiði á vélar IceJet eru sex til tíu milljón dollarar. Það jafngildir 750 til tæplega 1,3 milljarða króna.

Nýjar vélar fara á 25 til 30 milljónir dala.

IceJet hóf einkapotuútgærdina fyrir þremur árum og fram á haustið 2007 en þá var megnið af starfsemi flutt til meginlands Evrópu. Félagið gerir nú út frá Bretlandi,

Tenging við Ísland hamlar viðskiptum

Flugvéламиðlunin Avion Aircraft Trading lætur dótturfélag á Írlandi annast ný viðskipti að mestu. Undanþága frá gjaldreyrshömlum gerir að reksturinn er ekki alveg fluttur.

Óli Kristján Ármannsson
skrifar

„Ef lagt er út í ný viðskipti, eða við fyrirtæki sem ekki þekkja til okkar, þá getur tengingin við Ísland truflað vegna orðspors landsins. Traustið er ekkert,“ segir Hafþór Hilmarsson, starfandi stjórnarformaður Avion Aircraft Trading (AAT). Orðróm um að félag hans sé flutt úr landi segir hann hins vegar orðum aukinn.

„Á Írlandi eigum við dótturfélag, sem aftur á tvær flugvélar,“ segir hann, en bætir um leið við að AAT noti nú írsku dótturfélagið þegar kemur að nýjum viðskiptum. AAT, sem annast kaup, sölu og leigu fraktflugvéla, var áður hluti af Avion Group, en er nú í eigu Arctic Partners.

AAT fellur undir skilgreiningar Seðlabankans um undanþágu frá lögum um gjaldeyrishöft, enda bæði með meirihluta tekna og gjalda í erlendri mynt.

Hafþór segir félagið því ekki hyggja á flutning starfsumhverfisins vegna, en hefði félagið ekki fengið undanþágu frá lögum er ljóst að það hefði ekki getað haldið starfsemi áfram hér á landi. Hann segir hins vegar lítið traust í alþjóðaviðskiptum og ljóst að ekki hjálpi til að segjast koma frá Íslandi í samskiptum við fyrirtæki eða fjármálastofnanir sem fyrirtækið hafi ekki átt í samskiptum við áður.

„Þá er betra að nota írsku dótturfélagið.“ Markaðurinn hefur hins vegar heimildir fyrir því að önnur smærri fyrirtæki sem ekki hafa fengið undanþágu frá gjaldeyrislögum séu sum hver að hugsa sér til hreyfings.

Nýlegt dæmi er um félag sem er með þjónustustarfsemi erlendis og ætlaði í hagræðingarskyni að kaupa litla íbúð í Lundúnum vegna tíðra ferða þangað. Gjaldreyrslögin gerðu hins vegar að verkum að



HAFÞÓR HAFSTEINSSON

fyrirtækið mátti ekki taka yfir lánin sem á íbúðinni hvíldu.

Fyrirtæki í þessari stöðu, sem eru með erlenda starfsemi án þess þó að falla undir undanþáguákvæði gjaldeyrislaganna, horfa gjarnan til Írlands með mögulegan flutning í huga, þar sem aðbúnaður sé þar góður og skattaumhverfi hagkvæmt. Framkvæmdastjóri fyrirtækisins sem nefnt er hér að ofan segir að þar á bæ séu menn langþreyttir á að mega ekki haga fjárfestingum eftir eigin höfði og vera meinað að stökkva á tækifæri sem upp kunna að koma á erlendri grundu.

Gjaldreyrshöftin voru lögleidd í lok nóvember og áttu samkvæmt laganna hljóðan að gilda í tvö ár, jafnlengi og samkomulag ríkisstjórnarinnar við A lþjóðagjaldeyrissjóðinn. Seðlabankinn segir stefnt að því að afnema höftin í þrepum eftir því sem aðstæður leyfa.

Nú er 20% afsláttur af Lux útiljósum í maí

Í maí bjóðum við upp á lýsingaráðgjöf fyrir garðinnþér að kostnaðarlausu. Sendu tölvupóst á radgjof@lumex.is og við gefum þér tíma hjá ráðgjöfum okkar.

Opið alla virka daga frá 9 - 18.

Lumex | Skipholti 37 | Sími 568 8388 | www.lumex.is

LUMEX

Íslensk hönnun og framleiðsla

50 þúsund skattfrjálsir vinningar á árinu

www.das.is



6 stk.

BMW 318i

+ 5,2 milljónir í skottið á tvöfaldan miða!



5,2 milljónir beint í vasann

+ 5,2 milljónir í hinn vasann á tvöfaldan miða!

17 stk.

Vespa LX 125

+ 500 þúsund undir sætinu á tvöfaldan miða!



500 þúsund beint í vasann

+ 500 þúsund í hinn vasann á tvöfaldan miða!

dregið viku-lega!

52 útdrættir á árinu!

60

milljónir á mánuði

Nýtt happdrættisár hefst í maí.



Aldraðir hafa átt allan okkar stuðning í áratugi. Taktu þátt því þörfin er brýn. Einfaldur miði kostar aðeins 1.000 kr. **Kauptu miða á www.das.is**

HAPPDRETTI



Vinningur í hverri viku

Verðhjöðnun lækkar verðtryggðu

Spár gera ráð fyrir að verðhjöðnun verði líklega í íslensku efnahagslífi í byrjun næsta árs. Verðhjöðnun þykir yfirleitt ekki af hinu góða enda er langvarandi verðhjöðnun merki um djúpa efnahagskreppu. **Guðrún Helga Sigurðardóttir** skoðaði fyrirbærið verðhjöðnun og komst að raun um að það jákvæðasta við verðhjöðnun væri helst að verðtryggð lán myndu lækka.

Verðhjöðnun er fyrirbæri sem Íslendingar þekkja lítið enda hefur viðfangsefnið hér á landi frekar verið verðbólga en verðhjöðnun í gegnum tíðina. Þó hefur verið talað um verðhjöðnun milli mánaða síðustu vikur. Því er spurt: Hvað er verðhjöðnun? Hvaða áhrif hefur hún? Hvernig er hægt að berjast gegn henni? Leitast verður við að svara þessum spurningum í þessari grein.

Verðhjöðnun er neikvæð verðbólga eða viðvarandi lækkun almenns verðlags. Hún myndast

þegar neytendur búast við að verð fari lækkandi og halda þess vegna að sér höndum í innkaupum. Verðhjöðnun dregur því mjög úr eftirspurn eftir vörum og þjónustu. Langvarandi verðhjöðnun ber vott um stöðnun í hagkerfinu og sýnir að efnahagsástandið er erfitt.

Spár gera ráð fyrir því að tímabundin verðhjöðnun verði í íslensku efnahagslífi í byrjun næsta árs. Alþýðusambandið spáði verðhjöðnun í hagspá sinni strax í byrjun ársins án þess þó að nefna nokkrar tölur. Hugsanlegt er að verðhjöðnun verði áfram



Í VON UM LÆGRA VERÐ Spár gera ráð fyrir að verðhjöðnun mælist í byrjun næsta árs og standi í tvo til þrjú mánuði. Verðhjöðnun hefur í för með dregst saman. Neytendur halda að sér höndum í von um að verð lækki enn frekar. Bagalegt er ef sú þróun dregst á langinn.

Aðalfundur Bakkavör Group

Aðalfundur Bakkavör Group hf. verður haldinn miðvikudaginn 20. maí nk. kl. 10:30 í höfuðstöðvum félagsins að Ármúla 3, 108 Reykjavík.

Eftirtalin mál eru á dagskrá fundarins:

1. Skýrsla stjórnar félagsins um starfsemi þess síðastliðað árs.
2. Ársreikningur fyrir liðið starfsár, ásamt áritun endurskoðanda, lagður fram til samþykktar.
3. Ákvörðun um greiðslu arðs og jöfnun taps fyrir síðastliðað reikningsár.
4. Ákvörðun um þóknun til stjórnarmanna.
5. Kosning stjórnar félagsins.
6. Kosning endurskoðunarfélags.
7. Tillögur stjórnar um starfskjarastefnu.
8. Heimild til kaupa á eigin hlutum. – Lagt er til að stjórn félagsins verði veitt heimild til kaupa á allt að 10% á eigin hlutum félagsins á næstu 18 mánuðum.
9. Önnur mál.

Dagskrá, endanlegar tillögur og ársreikningur félagsins munu liggja frammi á skrifstofu félagsins hluthöfum til sýnis sjö dögum fyrir aðalfund. Ennfremur verður hægt að nálgast umrædd gögn á vefsíðu félagsins, www.bakkavor.com, frá sama tíma.

Tillögur frá hluthöfum sem bera á upp á aðalfundi skulu vera komnar í hendur stjórnarinnar eigi síðar en sjö dögum fyrir aðalfund.

Sérstaklega er bent á að þeir sem hyggjast gefa kost á sér til setu í stjórn félagsins skulu tilkynna það skriflega til stjórnar félagsins að minnsta kosti fimm sólarhringum fyrir upphaf aðalfundar. Þeir einir eru kjörgengir sem þannig hafa gefið kost á sér. Í tilkynningu skal geta auk nafns frambjóðanda, kennitölu og heimilisfangs, upplýsinga um aðalstarf, önnur stjórnarstörf, menntun, reynslu og hlutafjáreign í félaginu. Auk þess skal geta upplýsinga um hagsmunatengsl við helstu viðskipta- og samkeppnisaðila félagsins sem og hluthafa sem eiga meira en 10% hlut í félaginu. Stjórn félagsins skal fara yfir framboðstilkynningar og gefa hlutaðeigandi tækifæri, með sannanlegum hætti til þess að bæta úr göllum sem eru á tilkynningunni innan tiltekens frests sem eigi má vera lengri en 24 klukkustundir. Ef ekki er bætt úr ágöllum á framboðstilkynningu innan tiltekens frests, úrskurðar stjórn félagsins um gildi framboðs. Unnt er að skjóta ákvörðun stjórnar félagsins til hluthafafundar sem fer með endanlegt úrskurðarvald um gildi framboðs.

Upplýsingar um framboð til stjórnar félagsins skulu vera aðgengilegar hluthöfum á skrifstofu félagsins eigi síðar en tveimur dögum fyrir aðalfund.

Atkvæðaseðlar og önnur fundargögn verða afhent á aðalfundardaginn frá kl. 10:00 á fundarstað. Athygli er vakin á að atkvæðisréttur miðast við hluthafaskrá að morgni 19. maí 2009.

Fundarstörf fara fram á ensku.

Stjórn Bakkavör Group hf.

BAKKAVÖR
www.bakkavor.com

inni í hagspánni þegar hún verður endurnýjuð í lok þessa mánaðar. Það er þó ekkert víst og á bara eftir að koma í ljós. Þá gerir Seðlabankinn ráð fyrir verðhjöðnun í nýjustu spá sinni.

FORSENDUR Hafa BREYST

Ingunn S. Þorsteinsdóttir, hagfræðingur hjá Alþýðusambandinu, býst við að tólf mánaða vísitalan fari rétt niður fyrir núll í byrjun næsta árs. Hún bendir á að Seðlabankinn geri ráð fyrir að verðbólgan verði -0,3 prósent á öðrum ársfjórðungi næsta árs og verðhjöðnunin standi í stuttan tíma, kannski tvo til þrjú mánuði.

Alþýðusambandið er að vinna að nýrri hagspá, sem verður kynnt síðar í þessum mánuði. Ingunn segir að forsendur hafi breyst nokkuð frá því í síðustu hagspá. „Við sjáum fram á aðeins verri niðurstöðu heldur en við vorum með þegar við gáfum út síðustu spá. Við höfum þó ekki áætlað nákvæmlega hversu mikið en við erum á fullu að vinna í þessu,“ segir hún.

Staðan á erlendum mörkuðum hefur breyst mikið frá því sem gert var ráð fyrir í síðustu hagspá ASÍ. Kreppan er dýpri á alþjóðamörkuðum. Ingunn segir að erlendar spár verði sífellt svartari. „Svo hefur ýmislegt verið að tefjast hjá okkur. Endurreisn bankanna hefur tekið lengri tíma og krónan hefur ekki styrkst eins hratt og mikið og við gerðum okkur vonir um. Það helst í hendur við endurreisn bankakerfisins og aðra þætti í efnahagslífinu. Í fljótu bragði eru það helst þessar forsendur sem hafa breyst,“ segir hún.

LANGVARANDI VERÐHJÖÐNUN ÓLÍKLEG
Í yfirlýsingu peningastefnufndar Seðlabankans

er talað um hraðari verðhjöðnun en áður hafi verið gert ráð fyrir og að nokkrar líkur séu á tímabundinni verðhjöðnun á næsta ári haldist gengi krónunnar til-
tölulega stöðugt. Seðlabankinn telur langvarandi verðhjöðnun hins vegar mjög ólíklega.

Ingunn segir að endurnýjuð hagspá ASÍ verði ekki endilega á sömu lund og hjá peningastefnufnd. Hagdeild ASÍ hafi verið heldur svartsýnni en Seðlabankinn í janúar. Hún þorir ekki að segja hvernig þetta verði nú, hvort líkur séu á meiri og langvinnari verðhjöðnun en ASÍ hafi áður talið. Mestu skipti að koma hagkerfinu í gang á nýjan leik. Eftir því sem kreppan verði dýpri og lengri þeim mun erfiðara verði að koma efnahagslífinu í gang á ný.

ÓPÆGILEGUR MÖGULEIKI

Gylfi Magnússon viðskiptaráðherra vill ekki ganga svo langt að segja að aukin hætta sé á verðhjöðnun eða að hún muni valda verulegum vandræðum hér á landi á næstunni en „þetta er eitthvað sem menn hafa verulegar áhyggjur af í stærri hagkerfum, sérstaklega Bandaríkjunum og reyndar einhverjum Evrópulöndum og Japan“, segir hann.

„Við höfum verið að kljást við talsvert önnur vandamál, það er að segja verðbólgu. Ef við næðum að lenda okkar verðlagsmálum þannig að næðist að koma vel böndum á verðbólgu þá held ég að það ætti að vera hægt án þess að við lendum í verðhjöðnun svo

neinu nemur þó að þetta sé einn af möguleikum sem gæti vissulega orðið óþægilegur. En ég vil ekki ganga svo langt að segja að verðhjöðnun sé verulegt áhyggjuefni.“

Gylfi telur að helsta ráðið til að kljást við verðhjöðnun sé að auka peningamagn í umferð. Þó að viðfangsefni Íslendinga séu kannski verri en annars staðar þá hafi Seðlabankinn þannig þokkaleg tæki til að koma í veg fyrir að verðhjöðnun geti orðið verulegt vandamál.

Hann bendir á að verðtrygging sé svo útbreidd á Íslandi að verðhjöðnun myndi að sumu leyti hafa góð áhrif því að verðtryggð lán myndu lækka, bæði höfuðstóll og mánaðarlegar afborganir.

ENDURSPEGLAR LITLA TRÚ


„Verðtryggð lán myndu þá lækka að krónutölu og einhver hluti af hækkun undanfarinna mánaða myndi ganga til baka. Sennilega myndu margir túlka það sem jákvæða frétt þó að meira máli skipti hvernig kaupmáttur þróast,“ segir hann.

Gylfi telur varhugavert að nota tækifærið þegar verðhjöðnun er í efnahagskerfinu að afnema verðtrygginguna. Verðtryggingin sé langtíma fyrirbæri. Þó að verðlag lækki í nokkra mánuði þá skapi það ekki forsendur til að gera róttækar breytingar á verðtryggingunni.

„Þetta myndi hins vegar breyta

VÍSITALA NEYSLUVERÐS

Línan sýnir þróun vísitölu neysluverðs frá 1968 fram á þetta ár.




lánin



...er að sér að verð lækkar og eftirspurn eftir vörum
FRÉTTABLAÐIÐ/STEFÁN KARLSSON

í krónum talið stöðu þeirra sem eru með verðtryggð lán. Fyrir þá er aðalspurningin ekki krónutala lánanna heldur hvert samhengið er milli þess hvað þeir skulda og krónunnar sem þeir fá í tekjur um hver mánaðamót. Ekki er víst að verðhjöðnun myndi breyta því mikið," segir hann.

„Erfitt er að hugsa sér hvernig hægt er að skapa skilyrði fyrir því að losna við verðtrygginguna ef það er það sem menn vilja án þess að skipta um gjaldmiðil. Mikil útbreiðsla verðtryggingarinnar endurspeglar þá litlu trú sem Íslendingar hafa á gjaldmiðlinum og sérstaklega þá litlu trú sem þeir hafa á getu stjórnvalda, einkum Seðlabanka, til að halda verðlagi stöðugu. Sú trú eða það traust verður ekki endurunnið nema á löngum tíma. Eða með því hreinlega að skipta um gjaldmiðil.“



Verðhjöðnunin í Japan og heiminum

Efnahagshorfur eru slæmar í heiminum. Hagfræðingar óttast að kreppan verði dýpri og verðhjöðnunin langvinnari en áður var talið. Sérstaklega á þetta við um Japan og vesturænu ríkin. Japanar hafa þurft að kljást við langvarandi verðhjöðnun og eru því kannski allra þjódá reyndastir í því efni.

Kreppa skall fyrst á Japan um 1990 þegar húsnæðis- og eignabóla fyrirtækja hrundu á einni nóttu og fyrirtæki sátu uppi með skuldir og minni eignir. Það tók fyrirtækin fimmtán ár að greiða niður skuldirnar og fara að taka lán aftur þó að vextir væru litlir sem engir. Um 1995 varð bankakreppa og voru nokkrir bankar teknir yfir í landinu. Bankarnir lentu

aftur í nokkrum hremmingum í Asíukreppunni svonefndu nokkru síðar. Japanskt hagkerfi hafði því ekki unnið sig upp úr erfiðleikunum fyrr en um 2003 þegar bera fór á efnahagsbata og stýrivextir fóru hækkandi aftur.

Í verðhjöðnun gerist almennt séð þrennt. Vöruverð fer lækkandi, neytendur halda að sér höndum og peningastefnan verður máttlaus. Í Japan var japanski seðlabankinn fljótur að lækka vextina í núll en raunvextir hækkðu. Greiðslubyrði skulda þyngdist.

Margt hefur verið skrifað um kreppuna í Japan, hvort japönsk stjórnvöld hafi verið of sein að bregðast við eða hvort ekki hafi verið

tekið nægilega til í bankakerfinu. Skoðanir eru skiptar. Sumir telja að það taki einfaldlega svona stórt hagkerfi tíma að komast í lag aftur.

Framleiðsla hefur nú dregist saman milli ára í flestum af stærri iðnríkjum heims, bæði Bandaríkjunum, á evrusvæðinu, í Bretlandi og Japan.

Hagfræðingar telja að Japan verði einna verst úti. Seðlabankinn gerir ráð fyrir að framleiðsla dragist þar saman um 6,6 prósent á þessu ári og 0,5 prósent árið 2010. Samdráttur verði einnig mikill í öðrum stórum hagkerfum.

Sumartilboð!

FINUCCI
collezione

JAKKAFÖT

VERÐ ÁÐUR KR. 54.980

MARGAR GERÐIR - ALLAR STÆRÐIR

VERÐ NÚ KR. 34.980

Van Gils

SKYRTUR

VERÐ ÁÐUR KR. 10.980 / 9.980

MARGAR GERÐIR

VERÐ NÚ KR. 6.980

25%

**AFSLÁTTUR
AF ÖLLUM
PÓLÓBOLUM**

fierra
GARÐURINN
-klæðir þig vel

KRINGLAN - SMÁRALIND
568 9234 544 2410

MARKAÐURINN

Sögurnar... tölurnar... fólkid...

Koma þarf fyrirtækjum ríkisins á markað. Í uppbyggingunni þarf að virkja peninga sem nú liggja á bókum.

Verkefnin eru ærin í 100 daga áætluninni

Óli Kristján Ármannsson

Margt gott er að finna í 100 daga áætluninni sem ríkisstjórnin nýja kynnti á sunnudag, en í honum endurspeglast vitanlega hversu ærin verkefni er við að fást.

Um leið er ljóst að þarna geta haldist í hendur lausnir sem snerta fleiri en einn málaflokk. Þannig á að taka í ríkisstjórn ákvörðun um eigeindastefnu og eignarhald bankanna sem mögulega kynni að verða erlent, eftir því hvernig gengur að ná samkomlagi milli nýju bankanna og kröfuhafa erlendu bankanna. Ljúka á við efnahagsreikninga nýju bankanna og endurfjármagna þá.

Þessir hlutir verða illa sundur slitnir og líkast til með mikilvægari verkefnum sem við er að fást, því samskiptin við kröfuhafa bankanna (sem margir hverjir eru risastórir alþjóðabankar) ráða því að stórum hluta hvernig þjóðinni kemur til með að ganga að fjármagna sig næstu áratugin. Gangi kröfuhafarnir frá þessu samningaborði með þá tilfinningu í maganum að komið hafi verið fram við þá af ósanngirni er hætt við því að það komi til með að endurspeglast í áhættuálagi á öll erlend lán hingað næstu árin, hvort sem það eru lán til fyrirtækja, banka eða ríkisins.

Allra farsælasti kosturinn í þessum samningaviðræðum væri ef erlendu kröfuhafarnir fengju yfirráð yfir nýju bönkunum, um leið og stefnt yrði á skráningu þeirra á markað á nýjan leik. Líkast til yrði þetta til að auðvelda fjármögnun þeirra og tryggja dreift eignarhald, um leið og samkeppni yrði tryggð og bætt samskipti á alþjóðavettvangi.


Í hundrað daga áætlun ríkisstjórnarinnar kemur líka fram að hún ætli sér á tímabilinu að hefja viðræður við lífeyrissjóði og innlenda fjárfesta um að koma að eflingu atvinnulífs með hinu opinbera.

Skráning ríkiseigna á markað, banka og félagar sem þeir hafa tekið yfir vegna skulda, er líkast til ein vísasta leiðin til að auka aðkomu lífeyrissjóða og annarra að enduruppbyggingu landsins, um leið og það yrði til að styðja við Kauphöllina sem glatað hefur hverju fyrirtækinu á fætur öðru síðustu misseri og er komin í stöðu sem líkja mætti við fyrstu ár kauphallarviðskipta hér.

Þótt margir hafi tapað háum fjárhæðum í hruninu þá bíða þess á reikningum háar fjárhæðir að hér verði aðstæður þannig að óhætt þyki að virkja þá í fyrirtækjum og atvinnuuppbyggingu. Nú ríður á að ljúka við að leggja grunninn sem við ætlum að byggja á. Hluti af því er að ganga frá eignaskiptingu bankanna um leið og við lögum það umhverfi sem fyrirtækin eiga að búa við.

Það verður engin uppbygging fyrr en lánakjör verða skapleg á ný. Því þarf að koma vaxtastiginu niður. Þá þurfa fyrirtækin að geta séð fram á veginn og gert áætlanir. Því þarf að liggja fyrir hvernig við ætlum hér að skipa peningamálum.

Sérstakt fagnaðarefni er að ríkisstjórnin ætli að fela peningastefnufund Seðlabankans að fara yfir kosti og galla þess að breyta peningastefnunni, meta kostina í gjaldmiðilmálum og gera tillögu til stjórnvalda með hliðsjón af því. Þessi vinna ætti ekki að þurfa að taka langan tíma, enda margbúið að rannsaka og ræða fram og til baka alla fleti þessara mála síðustu ár og misseri. Best væri að peningastefnufundin kynnti niðurstöðu sína í þessum efnunum þegar á næsta vaxtaákvörðunardeg Seðlabankans í júníbyrjun.



Allt sem þú þarft...

Mediastur á tölublað, höfuðborgarsvæðið, 18-49 ára. Könnun Capacent í febrúar 2009 – apríl 2009.

Vor uppvakninganna

ORÐ Í BELG

Joseph Stiglitz
Nóbelsverðlaunahafi í hagfræði og prófessor við Columbia-háskóla.



UPPVAKNINGABANKAR

Bankakerfið hefur gengið í gegnum próf þar sem reynt var á hvort það væri nógu vel fjármagnað – „álagspróf“ sem fól ekki í sér neitt álag – og sumir stóðust það ekki. En í stað þess að fagna tækifæri til endurfjármögnunar, ef til vill með aðstoð ríkisins, virðast bankarnir kjósa að bregðast við að hætti japanskra bankanna: við böggulmst í gegnum þetta.

„Uppvakninga-bankar“ – dauðir en samt á róli meðal lifenda – „veðja á endurlífgun“, eins og Ed Kane orðaði það svo vel. Rétt eins og í hruninu vegna Savings & Loans á níunda áratugnum halda bankarnir nú lélegt bókhald (þeim var til dæmis leyft að halda slæmum eignum án nokkurra afskrifta, í þeirri blindu trú að það gæti ræst úr þeim). Verra er að þeim var gert kleift að taka ódýr lán frá Seðlabanka Bandaríkjanna gegn litlum veðum og um leið koma sér í áhættusama stöðu.

Nokkrir bandarískir bankar tilkynntu um hagnað á fyrsta ársfjórðungi þessa árs, sem byggðist að mestu leyti á bókhaldsbrellum og söluhagnaði (les: spákaupmennsku). En þetta kemur hagkerfinu ekki aftur á lappirnar í fljótu bragði. Og ef fjárhættuspilið borgar sig ekki verður það enn dýrkeyptara fyrir skattgreiðendur.

REIÐAREKSSTEFNA

Bandarísk stjórnvöld hafa líka ákveðið að reyna að bögglast í gegnum þetta: ráðstafanir Seðlabankans og ríkisábyrgðirnar þýða að bankarnir hafa aðgang að ódýru fjármagni og lánsvextir eru háir. Ef ekkert slæmt gerist – tap vegna íbúðalánaskulda, atvinnuhúsnæðis, viðskiptalána eða kreditkortaskulda – gætu bankarnir komist af án þess að lenda í annarri kreppu. Eftir nokkur ár hafa bankarnir verið endurfjármagnaðir og hagkerfið kemst í fyrra horf. Þetta er mikil bjartsýni. En reynslan um allan heim

Með vorinu þykjast bjartsýnsmenn í Bandaríkjunum greina „græna sprota“ endurreisnarinnar frá efnahagskreppunni. Heimurinn er gjörólíkur því sem hann var í fyrravor, þegar Bush-stjórnin þóttist enn og aftur sjá „ljós við enda ganganna“. Líkingamálið hefur breyst og ný ríkisstjórn tekið við völdum, en gamla góða bjartsýnin virðist enn vera á sínum stað.

Góðu fréttirnar eru þær að við verðum ef til vill ekki mikið lengur í lausu lofti. Niðursveiflan hefur hægt á sér. Botninn er ekki langt undan – kannski verður honum náð í árslok. En það þýðir ekki að hagkerfi heimsins eigi eftir að rétta rækilega úr kútnum á næstunni. Þótt botninn sé náð er enn þörf á sterkum meðulum til að reisa hagkerfið úr óskustónni.

FLÓKID SAMSPIL

Niðursveiflan sem við erum nú í er flókin: efnahagskreppa í bland við fjármálakreppu. Áður en hún brast á keyrðu skuldum hlaðnir, bandarískir neytendur hagvöxt heimsins áfram. Sú forsenda er brostin í bili, því jafnvel þótt bandarískir bankar væru við góða heilsu er fjárhagur heimilanna í rúst; Bandaríkjamenn tóku lán og eyddu undir því yfirskini að fasteignaverð myndi halda áfram að hækka að eilífu.

Hrun á lánstrausti bætti gráu ofan á svart; fyrirtæki sem stóðu frammi fyrir háum lántökukostnaði og hnignandi mörkuðum brögðum hratt við og skáru niður innkaup. Pantanir hrundu snarlega – langt umfram lækunina á vergri landsframleiðslu – og lönd sem reiddu sig á fjárfestingarvörur og varanlegar neyslsvörur (útgjöld sem hægt er að fresta) urðu sérstaklega illa úti.

Við munum líklega sjá einhvern bata á þessum sviðum eftir lágpunktana í árslok 2008 og upphafi þessa árs. En lítum á grunnatriðin: Í Bandaríkjunum heldur fasteignaverð áfram að falla, milljónir heimila eru í vanda stödd þar sem íbúðalánið er hærra en fasteignaverðið; atvinnuleysi eykst áfram og uppsagnarfresturinn við það að renna út hjá hundrað þúsunda manna. Ríkin neyðast til að grípa til uppsagna eftir að skatttekjur snarminnka.



VIKULEG VEFRÁÐ Í BODI ALLRA ÁTTA

Að fá mikið fyrir lítið á Netinu

Póstlistar eru markaðstæki, sem mörg fyrirtæki hafa á síðustu misserum notað í síauknum mæli í markaðssetningu sinni. Við mælum með, að fyrirtæki nýti sér þennan möguleika eins og kostur er. Með pósthlistakerfi geta fyrirtæki safnað netföngum gesta sinna og þannig með auðveldum hætti haft samband við þá síðar. Pósthlistakerfi hafa þann kost, umfram flest önnur markaðstæki, að boðskapurinn berst aðeins þeim, sem hafa fallist á móttöku hans. Viðtakendur eru í flestum tilvikum aðilar, sem hafa heimsótt vefsíðu fyrirtækisins og skráð sig sjálfviljugir á pósthlista þess. Þeir eru því markhópur, annaðhvort núverandi viðskiptavinir eða áhugasamir gestir, sem gætu gengið í viðskiptamannahópin síðar.

Póstlistar koma að margvíslegu gagni. Með þeim geta fyrirtæki viðhaldið sambandi við markhópin/viðskiptavinir og minnt þannig á sig, svo núverandi eða hugsanlegir viðskiptavinir skipti síður við samkeppnisaðila. Jafnframt má nota pósthlista til að vekja athygli á tilboðum, útsölum eða nýrri vöru og þjónustu. Í raun er þetta markaðstól einföld, árangursrík og ódýr leið til að auka veltu og styrkja ímynd fyrirtækisins.

Jón Trausti Snorrason
framkvæmdastjóri
Allra Átta ehf.

www.8.is

Mikilvægt er, að hanna útlit rafpósta þegar í upphafi og notast við það í hvert skipti sem senda skal fjölpóst. Nota skal lóg fyrirtækisins, netfang tengiliða, vörumerki eða hvað það, sem einna helst tengir það fyrir viðtakendur, til dæmis tengla á einstaka síður. Æskilegt er, að senda að jafnaði einn til tvo rafpósta í mánuði og fjölga þeim þá aðeins, þegar um ræðir áriðandi tilkynningar eða ókeypis þjónustu.

Fyrirtæki skulu forðast að nota pósthlista í beinni markaðssetningu ákveðinnar vöru eða þjónustu, heldur fyrst og fremst til að styrkja ímynd sína og skapa traust á starfseminni, svo sem með því að sýna fram á mikla þjónustulund og þekkingu, kunnáttu eða reynslu á umræddu sviði. Grundvallaratriði er, að segja satt og rétt frá. Fyrirtæki græða til dæmis ekkert á, að segjast vera „leiðandi“ eða í „fararbroddi“ á einhverju sviði. Betra er að veita nógu traustar upplýsingar til að móttakendur komist sjálfir að þeirri niðurstöðu.

ÚTGÁFUFLAG: 365 miðlar ehf. RITSTJÓRI: Óli Kr. Ármannsson, olkr@markadurinn.is RITSTJÓRN: Jón Aðalsteinn Bergsveinsson, jonab@markadurinn.is AUGLÝSINGASTJÓRI: Jón Laufdal RITSTJÓRN OG AUGLÝSINGAR: Skafthlíð 24, 105 Reykjavík ADALSIMI: 512 5000 SIMBRÉF: 512 5301 NETFÖNG: ritstjorn@markadurinn.is og auglysingar@markadurinn.is VEFANG: www.8.is UMBROT: 365 miðlar ehf. PRENTVINNLA: Ísafoldarprentsmiðja ehf. DREIFING: Pósthúsið ehf. dreifing@posthusid.is Markaðurinn er dreift ókeypis með Fréttablaðinu. Markaðurinn áskilur sér rétt til að birta allt efni blaðsins í stafrænu formi og í gagnaböndum án endurgjalds.




Meðalbestur á tölublað m.v. allt landið, 12–80 ára. Könnun Capacent í febrúar 2009 - apríl 2009.

Fréttablaðið stendur upp úr

Fréttablaðið er sem fyrr mest lesna dagblað landsins með glæsilegt forskot á samkeppnisaðila sinn eins og síðasta könnun Capacent Gallup ótvírætt sýnir. Við erum auðvitað rífandi stolt af þessum góða árangri og bendum auglýsendum á að notfæra sér forskot okkar þegar þeir velja auglýsingamiðil.

Lestur á höfuðborgarsvæðinu



BANKHÓLFID

Átta árum of seinn...

Fullt var út úr dyrum á erindi bandaríska prófessorsins Williams K. Black í Háskóla Íslands á mánudag er hann fjallaði um það að hagfræði hafi ekki tekið fjárvik alvarlega og skortur sé á skýrri hagfræðikenningu um fjárvik í rekstri fyrirtækja. Á meðal gesta var Jón Gerald Sullenberger, fyrrverandi viðskiptafélagi Baugs í Bandaríkjunum. Jón, sem nokkrum sinnum lagði í púkkið í pallborðsumræðum, fagnaði komu

Blacks en sagði hann átta árum of seinn á ferðinni. Black sagði svo ekki vera og benti á að bók sín um efnið hafi komið út fyrir fjórum árum, réttara sagt – 2005.



Stjörnulesning

„Sennilega kaupum við bókina hans fljótlega,“ segir Ólafur Þór Hauksson, sérstakur saksóknari. Ólafur og nokkrir starfsmanna hans fylktu liði á erindi prófessorsins Williams Black líkt og nokkrar stórkanónur úr íslensku efnahagslífi. Ólafur varð hins vegar að láta það verða sér að góðu að sitja á stól í gangveginum í Öskju líkt og margir fleiri. Miðað við erindi Blacks eiga starfsmenn embættisins von á góðu en bókin Besta leiðin til að ræna banka er að eiga hann (e. The Best Way to Rob a Bank Is to Own One), eftir William Black, fær fullt hús stjarna hjá lesendum bókarinnar á vef hennar hjá netverslun Amazon.com. Svona eftir á að hyggja er nokkuð augljóst hvað veldur vinsældunum, eða hvað?



Til hvers að bíða?

Sums staðar hafa, vegna fyrirætlana nýrrar ríkisstjórnar um að fækka ráðuneytum, vaknað vangaveltur um af hverju sé þá farið af stað með þau svona mörg í upphafi. Sem dæmi mætti nefna að nýtt „atvinnuvega- og nýsköpunarráðuneyti“ á þegar fram líða stundir að taka til allra atvinnugreina (utan opinbera geirans og fjármála-markaðarins), nýsköpunar og þróunar innan þeirra. Þar verða teknar ákvarðanir um nýtingu auðlinda á grundvelli rannsókna og ráðgjafar frá umhverfis- og auðlindaráðuneyti. Velta sumir því fyrir sér af hverju stærra skref hafi ekki verið stigið nú þegar, enda loksins búið að koma landbúnaðar- og sjávarútvegsráðuneyti undir einn hatt. Í löfagið hefði átt að vera að skella þarna inn iðnaðinum, sem hvort eð er hafi verið samrekin með viðskiptum hér áður fyrir.



6,5

prósenta aukning varð milli ára á fjölda ferðamanna sem fara um Leifstöð í apríl-mánuði að sögn Ferðamálastofu. Þeir voru tæplega 28 þúsund, um sautján hundruð fleiri en í fyrra.

1,65

prósenta stýrivextir eru núna í Danmörku eftir að seðlabankinn þar í landi lækkaði vexti um 0,35 prósentustig, eða 35 punkta. Hér lækkaði Seðlabankinn síðast um 250 punkta.

819

milljóna króna hagnaður varð af skaðatryggingarekstr innlendra váttryggingamiðlara í fyrra. Samkvæmt frétt Fjármálaeftirlitsins var hagnaðurinn 2,7 milljarðar árið 2007.



Sony Center kynnir

A200 – stafræn myndavél með linsu – TIPA verðlaunahafi



DSLR-A200

- 10,2 megapíxlar
- 17-80mm linsa fylgir
- Allt að 3200 ISO ljósnæmi
- D-Range Optimizer - fyrir fallegri lýstar myndir
- Steady Shot Inside - hristivörn í vél fyrir meiri skerpu óháð linsu
- InfoLithium rafhlaða - allt að 750 myndir á hleðslu

Taska fyrir vélina að verðmæti 8.990,- fylgir á meðan birgðir endast.



Verð 109.990,-

SONY

Sony Center
Kringlunni
103 Reykjavík
Sími: 512-3300
www.sonycenter.is

SAMSUNG
CLX-3160FN



SAMSUNG
Á SKRIFSTOFUNA!

FRÁBÆRT FJÖLNOTATÆKI

LITA LASERPRENTARI: Upplausn: 2400 X 600 dpi
SKANNI OG LJÓSRITUN: Upplausn: 600 X 1200 (max 4800 X 4800)
FAXTÆKI: Leshráði: 3 sek. pr/bls - Númeraminni: 30 beint
ALMENN: Pappirsbakki inn/út: 150/100 blöð - Minni: 128 MB
TENING: USB 2.0, Ethernet 10/100BaseTX

TILBOÐSVERÐ: 69.900,-
VERÐ ÁÐUR: 89.900,-

NÝR LITA LASER-PRENTARI



NÝR, NETTUR, HLJÓDLÁTUR OG SKARPUR LASER LITA-PRENTARI

Upplausn: 2400 X 600 dpi
Minni: 32MB
Hljódmagn: <49dB
Stuðningur: Windows, Mac OS 10.3.x og Linux
Tening: USB 2.0

VERÐ: 45.900,-

NÝTT FJÖLNOTATÆKI



LASER-PRENTARI SKANNI, LJÓSRITUN

Laserprentari: Svart-hvítur
Prenthraði: 18 bls./min.
Skanni og ljósrítun: Upplausn: 600x2400dpi
Stuðningur: Windows, Mac OS, Linux
Tening: USB 2.0

VERÐ: 37.900,-

ORMSSON

SKRIFSTOFUVÖRUR · SÍÐUMULA 9 · SÍMI 530 2800